

## Premios e dotación:

Establécense un primeiro, un segundo e un terceiro premio:

**PRIMEIRO PREMIO:** consistirá nunha tarxeta regalo por valor de 2.000 euros, que se dividirá entre o número de autores da curtametraxe gañadora, para a adquisición de material informático, audiovisual, deportivo ou material de lectura.

**SEGUNDO PREMIO:** consistirá nunha tarxeta regalo por valor de 1.500 euros, que se dividirá entre o número de autores da segunda curtametraxe gañadora, para a adquisición de material informático, audiovisual, deportivo ou material de lectura.

**TERCEIRO PREMIO:** consistirá nunha tarxeta regalo por valor de 1.000 euros, que se dividirá entre o número de autores da terceira curtametraxe gañadora, para a adquisición de material informático, audiovisual, deportivo ou material de lectura.

## Resolución:

Criterios e procedemento de concesión dos premios

**1.** O prazo máximo para resolver e notificar a resolución será dun mes e medio, que se contará a partir do día seguinte ao de finalización do prazo de presentación das curtametraxes.

**2.** O xurado encargado de analizar e de resolver os premios estará integrado polos seguintes membros:

- **Presidente/a:** conselleiro de Sanidade ou persoa en quen delegue.

- **Vogais:** o director da Axencia Galega de Industrias Culturais (Agadic) ou persoa en quen delegue, dous representantes designados pola Consellería de Cultura, Educación e Universidade, dous representantes da Axencia de Doazón de Órganos e Sangue: a directora da ADOS ou persoa en quen delegue e a coordinadora autonómica de transplantes da dita axencia ou persoa en quen delegue. O persoal técnico da coordinación autonómica de transplantes exercerá como secretario/a do xurado.

**3.** Logo de avaliadas as curtametraxes, o xurado emitirá unha proposta en que se concrete o resultado da avaliación efectuada. Notificarase aos premiados a hora e o lugar da entrega de premios, que se fará nun acto público.

En caso de empate, o conselleiro de Sanidade terá voto dirimente.

**3.1.** Para a concesión dos premios atenderase aos seguintes criterios:

a) A calidade e utilidade da información que ofrece respecto do beneficio que ten para a sociedade a doazón e/ou os transplantes de medula ósea.

b) Valorarase a orixinalidade, o uso da linguaxe audiovisual, o esforzo técnico e o creativo.

**3.2.** Por proposta motivada do xurado, os premios poden quedar desertos.

Axencia de Doazón  
de Órganos e Sangue  
(ADOS)



Información divulgativa

# VI CONCURSO universitario de curtametraxes


relacionado coa  
doazón e transplante  
de medula ósea

curso 2020/21

Coordinación Autonómica de Transplantes  
Axencia de Doazón de Órganos e Sangue

**881 542 863**

[www.sergas.es](http://www.sergas.es)



*Faite doador de  
medula ósea*

# VI CONCURSO UNIVERSITARIO DE CURTAMETRAXES RELACIONADO COA DOAZÓN E TRANSPLANTE DE MEDULA ÓSEA

## Obxecto:

A doazón de medula ósea é das poucas que poden realizarse en vida e permite salvar cada ano a vida de miles de persoas anónimas no mundo. Un dos obxectivos primordiais na concienciación deste tipo de doazón é o deseño de intervencións informativas dirixidas á mocidade, co obxecto de mellorar a opinión sobre a doazón e os transplantes de medula ósea, o que lles permitirá tomar unha decisión propia ao respecto e ser transmisores informados dos coñecementos adquiridos sobre a doazón no seu ámbito de influencia familiar, social, académico e laboral.

## Finalidade:

A Consellería de Sanidade, e a Axencia de Doazón de Órganos e Sangue (ADOS), en colaboración coa Consellería de Cultura, Educación e Universidade, convocan un concurso de curtametraxes dirixido aos estudantes universitarios para o curso escolar 2020/21 que teña como tema a doazón e os beneficios do transplante de medula ósea, co fin de promover a sensibilización social de maneira responsable sobre a doazón, entendida como un acto voluntario e altruísta.

## Destinatarios:

Poderá participar no concurso de curtametraxes o alumnado matriculado durante o curso 2020/21 nas universidades do Sistema Universitario de Galicia e nos centros asociados da UNED en Galicia.

## Información sobre o desenvolvemento do programa:

Todas as persoas interesadas en participar poden obter información sobre as bases deste concurso contactando coa Coordinación Autonómica de Transplantes de Galicia da ADOS no teléfono 881 542 863 ou a través do seu enderezo de correo [cat.ados@sergas.gal](mailto:cat.ados@sergas.gal). Tamén poden acceder á información de apoio sobre a doazón de medula ósea e o transplante nas seguintes ligazóns: <https://galicia.medulaosea.org/>, <http://ados.sergas.es/> ou ben <http://www.ont.es>.

## Requisitos:

Características das curtametraxes:



1. O contido das curtametraxes tratará sobre a doazón e o transplante de medula ósea e os aspectos relacionados con estes. Terán unha duración máxima de 2 minutos (coas cortinas inicial e final incluídas).
2. Poderá participar neste concurso o alumnado, en forma individual ou en grupo (cun máximo de cinco autores por cada un dos traballos presentados).
3. Aceptaranse obras mudas ou sonoras, sempre e cando os textos e diálogos estean en galego e todas as secuencias e imaxes sexan creadas para a obra. En calquera caso, non se aceptarán obras que inclúan imaxes protexidas por dereitos de autor alleos a quen presenta a obra.
4. A técnica será libre e poderá gravarse con calquera dispositivo, incluído o teléfono móbil ou tablet en posición horizontal. Presentarase unha copia en máxima calidade.
5. As obras deberán incluír obrigatoriamente un título relacionado co fomento da doazón de medula ósea.
6. Ao inscribir a curtametraxe, as persoas e os grupos de participantes declaran que:
  - 6.1 O traballo presentado é orixinal e inédito.
  - 6.2 Os participantes se responsabilizan de que os contidos audiovisuais, textuais e musicais, das curtametraxes presentadas non estean sometidos a propiedade intelectual de terceiros nin a posibles reclamacións legais.
  - 6.3 Todas as persoas identificables que aparecen na curta presentada, se as hai, enviarán un documento asinado de cesión de imaxe na presentación a este concurso e no uso por parte da organización de calquera maneira de difusión que esta considere oportuna.
  - 6.4 Os participantes da elaboración da curta, mediante documento asinado, conceden a cesión de uso á ADOS para empregar as curtametraxes seleccionadas polo xurado, utilízalas para a elaboración de traballos ou presentacións públicas ou tamén como lema dalgunha campaña relacionada coas funcións da devandita axencia.

7. As curtametraxes que non cumpran os criterios determinados nas presentes bases serán eliminadas, así como aquelas cuxo tema non sexa o sinalado.
8. AADOS, como organizadora e responsable do tratamento dos datos de carácter persoal recadados con ocasión da participación no VI Concurso de curtametraxes, comprométese a utilízalos única e exclusivamente para xestionar o concurso, o seu desenvolvemento, a avaliación dos participantes e conclusión coa entrega de premios. Os datos non serán cedidos a terceiros. Os interesados poderán exercer os dereitos de acceso, rectificación, supresión, limitación e, se procede, oposición ao tratamento dirixíndose á Coordinación Autonómica de Transplantes da ADOS mediante correo electrónico ao seguinte enderezo: [cat.ados@sergas.gal](mailto:cat.ados@sergas.gal)
9. A mera presentación á convocatoria supón a aceptación e coñecemento das presentes bases por parte das persoas participantes.

10. A entrega da curtametraxe pode ser de dúas maneiras:

**10.1** En sobre cerrado ao seguinte enderezo:

**“VI Concurso Universitario de Curtametraxes:  
Doazón Medula”**

Coordinación de Transplantes de Galicia  
Axencia de Doazón de Órganos e Sangue (ADOS)

Consellería de Sanidade

Edificio Administrativo San Lázaro, s/n

15703 - Santiago de Compostela

**10.2** Por correo electrónico ao seguinte enderezo: [cat.ados@sergas.gal](mailto:cat.ados@sergas.gal). No asunto constará “VI Concurso Universitario: Medula Ósea”.

En calquera caso, independentemente do modo de envío, debe conter a seguinte información dos autores: nome, DNI, domicilio, teléfono, enderezo electrónico, data de nacemento, centro e universidade nos que cursa estudos este ano

## Prazos de presentación:

A recepción das curtametraxes estará aberta desde o momento da publicación destas bases ata o **11 de xuño de 2021**.

